

UUT'T OLDE VODDEN

Wat is Vodden slim groot
Ai der us dwas deur zol gòon
En lópen 't hele ende
Dan bun ie welhoas dreekwat
dood
Iej kònt tan op gin been meer stòon
Dan vegòj van de ellende!
Loate wiej 't toch us probeern
Wee wet kòj der nog iets van leern.
Dan künne wiej meténe zeen
Ie ander is as int veleen.
Of tv As wiej bie Hoekendaal
begint,
Door gouw dus an de rol!
Dan lope wiej gezwind
Langs woor vrögger was de tol.
Vebiej tJebbink en de Hoeven
Das ons eerste ende weg
Dan komme wiej de hòek um
stóeven

En is te weg weer n ende rech.
An de linkerhand ut Kleine Veld
En rechs is tok wat e wodden!
Meschien hebt ze toew al veteld?
Door s de ummeleg um Vodden.
Wiej goat langs Vaarwerk en
Stroodiek

En kòmt ok nog langs Steege,
Villa Nova lóp meer in de kiek
Dat begrip iedereen terdege.
Iets wieter is de kroezeboom!
Jò, dat hadde wiej moor gedach!
Dee tied dee is e wes!
Hier ston met an de zoom
Van t olde darp dee kollossus
Dee geslachten kommen zag
En ze ok weer zag goan.
Hee wier wat slech en dus
Hebt ze um weg e doan,
Dat von ik neet zo bes!
Wat jammer is tat noew!
Zo vake as iej der langs kwam
Hee imponeerden mien en oew
De heél slim dikke stam!
En ok dee tekke en de kruun,
Nee tis neet moor een smoets,
tHad ech vòlle te beduún,
Hee was in één woord „kroes”!
Moor weg is weg en vot is vot
Al veul wie ons ok wat bedot,
Der is niks meer an de doon.
Alles wat op de wereld is
Ut leëft soms een hele tied,

Soms zingt ut ok een hoge toon,
tIs tiedeluk, en gewis
Is ut ende van ut lied
Ut geet een keer toch vot!
Al ston ter dan in volle luuster,
Ut is noew eenmool t lot
Dat alles vedwient in t duuster!
Moor de mólle van Klúvers is ter
nog,

Dat gif ons weer wat lich,
Zon mólle dat is toch
Altied een mooi gezich!
Noew gòòj ut olde darp tan in,
Woor ze vòlle an verniejing dòet!
Soms denk ie hef tat noew wel zin,
tOlde was toch nog gòed?
Moor noa vebouw is ut toch
mooier!
En t stekt de buren an in t groot,
Ze veult zich hoas een schooier
As zee ut tan ok neet doot!
Woor vrögger Leida Meier was
Is Noew een motel met vòlle glas,
Een banke, winkels, postkantoor,
tIs ollemóle niej!
Eerder was meschien wat goor,
Moor t heurt ter noew ech bie!
Woor Wiejers Elshof vrögger was
Is noew een soort van parke,
Zo bunne wiej alras
e kommen bie de kärke.
Dan de schole dee door steet
tMeistershuus ter schuun veur,

En rechs hotel, café, hotel,
Hier kuj rusten bie de vleet;
Das ollemóle goed en wel
Moor wiej loopt noew moor deur.
. Want aw Vodden dwas deur wilt
gòon
Kuw hier neet blieven stòon!
Noew buw ut olde darp weer ut
En beginne wiej an de enk,
Dee neumt ze noew de Reurlseweg.
Een ende van dee weg noa Zuud
Lig toor het huus te Vodden.
As kasteel lei ter neet slech,
Moor noew ist tan wat e wodden
En dat was gin geschenk!

Ut is tut gemeentehuus vebouwd,
Wat hebt ze dootr wat in e douwd!
Gin zak vol geld moor bálen
Jò, zo as alles reilt en zeilt,
Hebt ze dooran veknooit,
As de gemeente alles mos betalen
Waarn ze totaal berooit!
En och, dikke muurn, weinug lich,
(tIs noew wel wat vebetterd)
As tat hele gedoe op zich

Op ten duur mooi neer verèttert!
Ik hadde leever veur dat geld
Een modern niej pand e zet,
En t op een plaasse op e steld
Woor ze der meer op let!
tGemeentehuus is toch ut hart!
(tMot ok hebben lósse deurn)
Van doorruut wod ummers gestart
Met al ut darps gebeurn?!
Noew liekt ut wel een betjen laf,
Ut steet zo gek achteraf!
Ze neumt dit tuurluk moor
gezwets

Want ik bun vòl te olderwets!
Aw wieter dan den enk deur goat
Dee straks ut spoor óver geet,
Zowat alle huuze dee door stoat
Waren der vrögger neet.
Langs Brómels spul en de Leuke,
(Door steet wel vòlle meer)
Wet ie woor k zachjes noa zeuke?
Ut ende, de veute doot mien zeer!
tVeldkamp steet toor wat alleen
Biej de Wildenborgse weg
En de Wenneker kuj hoas neet zeen
Moor n endjen wieter: een soort
pech!

Want toor vebiej dee bochte
Woor autos af mot remmen
Door zee k woor kneet noa zochte
Toch mow ter effen óver hemmen:
Dee Wientjesvoort—een schande!
Zo as tat noa de brande
Door noew al joren steet!
Gaw wieter goan, k wil neet
Door langer nog noa kieken.
Wat lòot ze dat toch viezien!
De Kranenburg dat is wel hoas
Een darp, moor n betjen klein
Zee holt neet zo van autogeroas
Moor toch is ut ter wel fijn.
De kerke en schole stòot toor bes,
Door s ok altied een klooster e wes.
Een ende wieter kump tMedler
dan

Das ok wel een aardug geheel
Door bouwt ze ok soms wat biejan
En door s ok nog een kasteel!
Dan nog langs Brandenburg en
Wiersse
Met alles wat toor greuit,
Dóor woor t zo slim mooi bleuijt!!
Dan wod endluk vevuld mien
wens
Want dit was de laatste moot,
Noa meer as n paar uur lopen
Komme wiej an Voddens grens!
Foj, foj, wat is Vodden groot!
Ai dan noa buurvrouw Zutphen
kiekt

En dat met Vodden vegeliekt,
De mense zit as hoor op een hond
.n klein stuksken grond!
Door op Hóé klein of t is kòj gissen:
Door was toor kots een vent
Dee der óver hen wol pissen:
Ik zag dat e was an de gange,
(Hee hadde der umme e wed)
ièts méer drange
Op zien blòoze i En hee hadde t ok
nog e red!
Dan is t in Vodden better toch,
Wiej hebt door de ruimte nog!!
E Jò, zo as alles reilt en zeilt,
tIs moor ongeliek verdeilt!